

**Magkinabuhi sa Cristohanong Kinabuhi
pinaagi sa Pagpahimulos sa Agay sa Kinabuhi
ug sa Pagpangalagad sa Kinabuhi
gikan sa ug alang sa Hilabihan Katahom nga Balay sa Dios**

Basahong Kasulatan: Ezeq. 47:1-12; 2 Cor. 3:6; 1 Cor. 9:11; 3:6, 9; 4:15; 3:2, 12

- I. Aron makakinabuhi sa Cristohanong kinabuhi, magpahimulos gyod ta sa agay sa kinabuhi gikan sa balay sa Dios—Ezeq. 47:1-12:**
- A. Ang kinataposang lihok sa Dios mao ang lihok Niya diha sa tawo nga himoong Dios ang tawo sa pagpasurop Niya sa tawo sa tanang pagkamao Niya sa Iyang kinabuhi, kinaiya, elemento, ug pagkamao aron mahimaya, mapadayag, ang Dios—2 Cor. 3:18; 1 Juan 3:2.
 - B. Niagay ang tubig gikan sa ilalom sa bakanan—Ezeq. 47:1:
 - 1. Aron moagay ang tubig, duna gyoy bakanan, agianan—itandi sa Sal. 81:10.
 - 2. Kon labi pa gyod tang moduol sa Ginoo ug labi pa gyod tang mokontak Niya, duna unyay agianan para makaagay ang buhing tubig gikan sa iglesia—*Mga Alawiton*, #846.
 - C. Paingon sa silangan ang agay—Ezeq. 47:1:
 - 1. Niagay ang suba sa Dios paingon sa direksyon sa himaya sa Dios—itandi sa Num. 2:3; Ezeq. 43:2.
 - 2. Kon nagtinguha ug nagtagad sa himaya sa Dios ang tanang naa sa iglesia, moagay ang buhing tubig gikan sa iglesia—Juan 7:18; 1 Cor. 10:31.
 - D. Niagay ang tubig gikan sa tuong kilid sa balay—Ezeq. 47:1:
 - 1. Sa Biblia ang tuong kilid mao ang kinahabogang posisyon, ang unang dapit—itandi sa Heb. 1:3.
 - 2. Mag-una-sa-tanan gyod unta ang agay sa kinabuhi sa sulod nato, nga maoy mokontrol sa pagkinabuhi ug buhat nato—Bug. 22:1; Col. 1:18b.
 - E. Naa sa kilid sa halaran ang agay, nagpakita nga nagkinahanglang mabatokan ta sa krus ug bug-os nga mohalad aron mapahimuslan nato ang agay sa kinabuhi—Ezeq. 47:1.
 - F. Aron modako ang agay sa kinabuhi, sukdon gyod ta sa Ginoo isip tawong tum-baga—40:3; 47:2-5; Bug. 1:15; itandi sa Juan 7:37-39:
 - 1. Ang pagsukod pagsusi, pagsulay, paghukom, ug pagpanag-iya man; ang upat ka pagsukod nga tag-usa ka libo ka maniko, nga kompletong yunit (itandi sa Sal. 84:10), nagpakita nga isip mga binuhat, kinahanglan hingpit tang masukod sa Ginoo aron maangkon ug hingpit nga mapanag-iya Niya ang tibuok natong pagkatawo (Isa. 6:1-8).
 - 2. Labi tang magpasusi, magpasulay, ug magpahukom sa Ginoo aron mapanag-iya ta, magkalalom sab ang agay; ang giladmon sa agay nag-agad asa ta kutob nasukod sa Ginoo—itandi sa 1 Juan 1:5, 7.
 - 3. Labi tang masukod sa Ginoo, labi sab tang mapugngan ug malimitihan sa pag-agay sa grasya sa kinabuhi hangtod nga sa kapulihay mawala ta diha sa ug maanod sa nag-agay nga Tulo-usang Dios nga suba nga kalangoyan; sa usa ka bahin mawad-an ta sa tanan natong kagawasan, apan sa laing bahin tinuod gyod tang gawasnon—Ezeq. 47:4-6.
 - G. Magpabuhi sa tanan ang suba; magpalugwag mga kahoy, isda ug hayop ang pag-agay sa suba—vv. 7, 9-10, 12.

- H. Gipatubigan sa suba ang uga, mala nga yuta ug giayo ang mga tubig sa kama-tayon; alang sa pagpalugwa og kinabuhi kining pagtubig ug pag-ayo—v. 8:
1. Dili makaayo sa mga lamakan og kalapokan ang suba; ang lamakan o kala-pokan dapit nga naa sa tungatunga, dapit nga alang-alang, dapit sa pag-pauyon-uyon ug pagkadagaang—v. 11; itandi sa Bug. 3:15-16.
 2. Alang sa agay sa kinabuhi ug sa iglesiahonong kinabuhi, nagtinguha ug nag-kinahanglag pagkabug-os si Ginoong Jesus; sa pagkabug-os nato maanaa ta sa agay, ug dili tinulò lang ang agay kondili suba nga kalangoyan; mabuhi dayon ang tanang maabtan sa suba.

II. Ang pagpahimulos nato ni Cristo nga agay sa kinabuhi aron man mahimo tang mga tigpugas, tigtanom, tigbisbis, tigpanganak, tigpakaon, ug tigtukod nga dunay pagpangalagad sa kinabuhi alang sa kahibulongang organicong tinukod sa Dios, sa hilabihan katahom nga balay sa Dios—2 Cor. 3:6:

- A. Ang ministro sa kinabuhi tigpugas nga nagpugas og espirituhanong mga binhi:
1. Sa 1 Corinto 9:11 giingnan ni Pablo ang mga taga-Corinto, “Gipugsan mo namo sa espirituhanong mga butang;” nagpasabot *ang espirituhanong mga butang* og espirituhanong mga binhi.
 2. Sudlanan sa kinabuhi ang binhi, ug ang pagpugas og espirituhanong binhi pagpaambit og kinabuhi diha sa, uban sa, ug gikan sa atong espiritu; nianhi si Ginoong Jesus ingog Tigpugas aron magpugas sa Iyang Kaugalingon nga binhi sa kinabuhi nganha sa kaliwat sa tawo—Mat. 13:3, 37.
 3. Diha sa pahiuli sa Ginoo kita, nga mga ministro sa bag-ong pakigsaad, mahimo gyod untang mga tigpugas nga nagpaambit og kinabuhi aron magpatubo ug magpalugwag Cristo diha sa uban.
- B. Ang ministro sa kinabuhi tigtanom nga nagtanom og Cristo nganha sa katawhan sa Dios—1 Cor. 3:6:
1. Ang mga magtutuo, nga gipanganak na pag-usab diha ni Cristo pinaagi sa kinabuhi sa Dios, mao ang yutang gitikad sa Dios, ang umahan sa Dios, diha sa bag-ong kabuhatan sa Dios—v. 9.
 2. Aron ikatanom nato si Cristo sa uban, gikinahanglan nato ang tinuod nga pagsinati ni Cristo nga kinabuhi diha sa atong espiritu.
- C. Ang ministro sa kinabuhi tigbisbis nga namisbis sa mga tawo og Cristo; sa ikatanom na nato si Cristo sa uban, bisbisan gyod nato sila sa tubig sa kinabuhi—v. 6:
1. Ikapasama tingali nato ang tigbisbis sa umahan sa Dios sa sistema sa patubig nga dunay pundohanag tubig nga nagsangkap sa umahan og tubig; diosnong “sistema sa patubig” gyod unta ta nga dunay pundohanagan sa buhing tubig nga napundo sa atong sulod aron magpatubig sa iglesia nga umahan sa Dios.
 2. Kinahanglan duna tay tinuod nga pagsinati ni Cristo nga tubig sa kinabuhi ug buhing mokontak Niya aron mahimo tang palatayanan sa buhing tubig, diosnong sistema sa patubig, nga makasangkap sa uban sa tubig sa kinabuhi—Juan 4:14; 7:37-39.
- D. Ang ministro sa kinabuhi tigpanganak, amahan, nga nagpaambit og kinabuhi sa iyang mga anak, nga gipanganak niya—1 Cor. 4:15:
1. Ang pagpanganak pagpahimugso mag espirituhanong mga anak pinaagi sa pagpaambit og kinabuhi.
 2. Kinahanglan duna tay diosnong “binhi sa kinabuhi” aron ikapaambit ang diosnong kinabuhi ngadto sa uban aron ipanganak sila nga mga anak sa Dios.

- E. Ang ministro sa kinabuhi tigpakaon; may kalabotan sa kinabuhi ang pagpakaon; lahi kini sa pagpanudlo, nga may kalabotan sa kahibalo:
1. Ang paghatag og gatas nga mainom o kalan-ong makaon pagpakaon man sa uban (3:2); gatas ang gipangalagad sa apostol sa mga magtutuo sa Corinto, ug nakatil-og gyod kini nila.
 2. Ang maayong pagtulon-an sa mga apostol nangalagad sa himsog nga pagtulon-an ingon nga sangkap sa kinabuhi sa mga tawo, nga dili ngani magtil-og, mag-ayo gyod nila—1 Tim. 1:10b; 6:3; 2 Tim. 1:13; Tito 1:9.
- F. Ang ministro sa kinabuhi tigtukod nga nagtukod ginamit ang bulawan, salapi, ug bililhong mga bato:
1. Nagsimbolo ang bulawan sa Dios Amahan sa diosnong kinaiya Niya, nagsimbolo ang salapi ni Cristo sa buhat Niya sa pagtubos, ug nagtimaan ang bililhong mga bato sa Espiritu sa nagtranspormang buhat Niya (kaatbang kini sa kahoy, nga nagtimaan sa kinaiya sa tawo; sa sagbot, nga nagtimaan sa tawo sa unod; ug sa dagami, nga nagtimaan sa pagkawalay-kinabuhi)—1 Cor. 3:12.
 2. Gipakita sa Awit sa Mga Awit nga diha sa hustong iglesiahonong kinabuhi nitambayayong ang nahingpit na nga mga magtutuo sa nagtranspormang Espiritu aron hingpiton ang mahigugmaong mga nagtinguha ni Cristo pinaagi sa pagpangalagad sa Tulo-usang Dios kanila aron matransporma sila sa pagkaumol sa mga kaayo sa Tulo-usang Dios nganha nila nga mahimong maayong kagawian nila—1:10-11.
 3. Alang kini sa pagtukod sa iglesia nga organicong Lawas ni Cristo nga maghingpit sa Bag-ong Jerusalem aron matuman ang walay kataposang pamatigayon sa Dios—1 Cor. 3:12; Bug. 21:18-21.